

國朝耆獻類徵初編卷四百三目錄

儒行九

胡嘉亨

董以甯

過元旼

錢民

王大經

范明徵

湯溥

弟準

劉丁

王夫之

兄介之
朱元偶

子敬
譚瓊英

喻國人
劉宗源

國朝耆獻類徵初編卷四百三

通奉大夫前署江西巡撫江西布政使司布政使湘陰李桓輯

儒行九

胡嘉亨

清所先生姓胡氏諱嘉亨字汝通甯之太平人也初羅盱江出守
吾甯甯士勸舞先生父童庵公往從學而盱江顧獨器講席中爲
書額揭其堂曰清白先生因號清所云童庵公有子四其季先生
先生子三季吾友羹玉瑗也羹玉往言於壽民曰夫吾邑自周太
常率先鳴道忠諤震輦轂而德積沁黨里一時鉅人響集九龍龍
谿之榻軒然盱江干旄又屢望僊源至止溱溱闐闐從者百千橫

經侍几口歌手絃不可謂會非鹿洞鷺湖戶不鄒魯也太常卽世
厥猶子如仙公再振起之其學昉致知主無欲明情徹物終始孝
弟大率擴太常指而吾大人訪有獲焉乃不如仙公遊不驪始吾
大人不如仙公遊也臥病連年愬中恫外疾罔瘳一日聞譚道瑤
潭力疾以赴罔弗瘳清風來而煩襟開善氣相相移人如此哉如
此哉於是乎拾一會有約拾一會者歲會羣彥於四仲拾一日也
豐饌朗規導燮黜非周倡之胡和之於是乎節烈祠有建節烈祠
者祠境內諸媛亭亭節烈者也垣有阯工有需采山埏土有費周
謀之胡訖之於是乎風水解疑有說解疑者解斯人之疑誤風水
者也援經据聖呼迷起愚周持之胡決之凡吾大人之汲汲於如

仙公也蓋不啻久客得歸也蓋不啻鼓荅杼水注壑也上揚乎聖
教下執乎民俗比而助之總以扶太常之緒弗衰壽民拱手謹受
言旣以告白水胡子胡子曰於戲是清所先生者吾兄屬也平生
諸巨細行累矣瑗也子而疑侈夫親也槩舉綱列焉爾泉何敢復
隱復隱迺爲之陳五難迺爲之徵三應問何五難曰人有喪其妻
而不妻者乎孫孺人沒先生懼蘆絮其諸孤也矢不妻年三十餘
耳終其身不復齒姬媵房闈之事壽民曰斯子與監古之正也難
哉曰人有少而違其父嚴事其兄如父者乎靡甘弗讓靡懟弗承
剛融齟齬盡庭序忻忻先生殆善翕其伯氏也壽民曰斯延平敬勝
之感也難哉曰人有不位而民信不令而眾質成者乎先生夷愉

以召遜公愷以平闕閭左有不決官府決先生者壽民曰斯亢宗
薰俗之化也難哉曰人有愛其後之人不爲後之人陰便身圖者
乎夫臙部抗志於華陽徵君肥遯於天柱亦走炎伺徑者之所不
講也先生子若孫敕往事之壽民曰斯神與忘祿之教也難哉曰
人有好行其德死而弗輟者乎先生指困割繯勇若嗜欲病垂革
猶手金錢以待急者之控呼壽民曰斯子厚兄弟顛連之仁也難
哉問何三應曰女不痛夫而殉乎仲氏婦不嫠而挺厥貞乎季也
不名高而學有成乎砥於躬型於家濡於後謂之應非耶於戲美
矣太常而下如仙公而外鮮與嬋矣於是壽民再拱手受言退而
合羹玉之言次以行

贊曰：齊儒僑僑，視高趾超有桀其行而口者，堯真儒恂恂浴德澡身，鬼無諾責，何有於人？古者四民首農終賈士也，罔遇亦側其伍。先生曰：嗟，敢恥聞堵吾斂，吾散人釜人庾，大母煌煌仁施孔章，日必一濟宵甯於牀，笑撫諸孫代汝橐藏。先生承之滂流而光麻水之陽天都之麓，以邀以遊老我巖屋，道不辭通行不愧獨八十其齡存順沒甯有昭，詒範有煜，易名黔康，展惠雙之彌馨。先生訓子有家世貽

範一編卒之日拾一會同人私諡曰康惠

右傳沈壽民撰

（The following text is extremely faint and largely illegible due to the quality of the scan. It appears to be a list or a series of entries separated by vertical lines, possibly describing various items or regulations. The text is arranged in approximately 15 vertical columns within the main body of the page.)

董以甯

武進董以甯字文友少工填詞爲閨襜之作喜結賓客時時被酒
嘗遊荆溪荆溪之士觴文友於南山之麓者二十二人徧起道姓
名畢黃珍百奉卮酒言曰僕山中之鄙人也今聞董生賢竊願交
董生顧董生以少年未易才日從美人賓客遊彈碁射雉徒豪舉
耳無益幸董生厚自愛也文友避席謝之已而毘陵郡文學之士
結國儀社以齒德推黃珍百爲長珍百舉觴言曰毋失末路毋忘
今日毋自多其才以招人怨皆曰如約會每春秋一舉行而邀致
各邑同學其啟札皆文友爲之文友天資明敏著古文詩歌數十
萬言聲名蔚起稱譽滿天下與同邑鄒訐士齊名時稱鄒董今所

傳國儀集皆文友少年之作也宜興陳其年爲之序曰文友爲人豪邁感慨不可一世然當其卹交遊急然諾輒復纏綿婉篤比於膠漆也又從其尊人宦遊江湖上潯陽泛洞庭登仲宣樓尋昔人作賦處江山雄秀士女明媚發爲撰述蓋吞若雲夢者十八九曾不芥蒂也近者歸自襄陽與二三兄弟闡明藝苑切磨經術閒又悼同類之蕭朱慕昔年之廉藺當筵流涕對客悲來益知其繫心朋友睠懷倫物者矣又何怪其鋒刃橫溢情思愷惻感動飛沈也耶然文友卽又棄去詩歌古文詞而專致力於六藝至其晚節身列儒林與宜興任王谷相埒矣任王谷名元祥學以良知爲宗持身嚴肅言動不苟建宗祠定宗法族人世世遵之著有鳴鶴堂集

董文友嘗論荆溪人文極推陳其年任王谷以爲不朽之業終必歸之也

右聞見錄吳德旋撰

過元叟

長洲過穆君名元叟幼時卽有志知人論世之學中歲棄科舉業
日取前史中嘉言善行鈔錄之凡爲類二十有二曰立身曰居家
曰事祖曰事父母曰正室曰教子孫曰友兄弟曰睦親族曰待師
弟曰交友曰處眾曰筮仕曰隱居曰盡職曰輔國曰居位曰事上
官曰處同僚曰接下屬曰治民曰治軍曰愛物凡爲卷四十有二
曰二十二史言行略穆君卒後其友人謝安山爲刊行之

右聞見錄吳德旋撰

古風及樂府詩集

曰二十二史言行記卷五卒對其夫人權安山微汗計之

官曰與同對曰對不飄曰命吳曰前軍曰愛卿只微卷四十百二

策曰交次曰與眾曰蓋士曰劉昌曰蓋卿曰補國曰吳立曰事上

日事脈曰事父母曰五室曰燈千將曰文只策曰魏賤劫曰荷補

目軍前史中事言善計機殺之凡微賤二十百二曰立良曰吳家

吳附微賤皆言天知微細也育志賦入歸世之學中微賤林舉業

微天知

錢民

處士姓錢氏諱民字子仁一字生翁嘉定縣外岡里人早孤十三
棄書學賈數爲鄉里所侮乃歎曰世多妄人求其不妄者聖賢而
已初名樞字子辰夢許魯齋教以民名覺而思曰聖人之於民亦
類也遂易今名慨然有學聖之志聞青浦有孔子衣冠墓擇日齋
戒往謁願爲聖人之心是夜夢有告己者曰謝絕漢以來諸儒論
說乃可爲學自是始讀四書正文年已三十矣題其所居之室曰
存養廬日靜坐其中所學日進平湖陸清獻公宰吾邑以正學自
任處士嘗與之論學又五年自謂學已成復往平湖質之陸公公
與之言多不合怪而詢之則曰公從文公入某從尼父入耳嘗與

友人書言先聖之學貴乎本末兼盡始終有序大學所謂知本者知所作聖之基也誠正者爲其作聖之功也中庸所謂尊德性先也本也道問學後也末也卽物窮理其誤在於無本六經爲吾註腳其誤在於無末論語曰君子務本本立而道生文公以爲學者不可厭末求本教人但學其末是所謂其本亂矣本亂而求末之治豈可得乎此未合於大學也孟子曰堯舜之知不徧物中庸曰雖聖人亦有所不知焉文公教初學者卽責以知旣盡而後意可誠語類又云格物者窮事物物之理致知者知事事物物之理如此則意之惑亂殊甚又何可誠且使堯舜復生亦恐知不能徧物況初學乎此未合於孟子也程子曰不必盡格天下之物又云

存心一草木器用之間此是何學問所謂如此而望有得如炊沙而欲其成飯也文公則曰上而無極太極下而一草一木一昆蟲之微亦各有理一書未讀則闕了一書道理一事不窮則闕了一事道理一物不格則闕了一物道理須著逐一件與他理會過意思無極太極是天人合一之學學至有成亦可自得初學者學之雖非先務無傷也草木昆蟲事物之眾人無百年壽算何能一一盡之孟子以治天下不可耕且爲文公亦以大臣不當親細務奈何志在學聖而反務盡一草一木一昆蟲之微哉此未合於二程也又言今之學者不知追求孔孟之實而只辨朱陸之所以異非聖學本務去道甚遠所以近世學文公者止得整庵之學而已矣